

928

丁

丁

卯

集

丁



集



丁卯集

潤芬樓借印常熟歸
止庵截影宋鈔本原
書葉心高營造尺五
寸五分寬四寸

丁卯集目錄

郢州刺史許渾

卷上

七言雜詩

凌歊臺

驪山

咸陽城東樓

京口閑寄京洛友人

傷李秀才

冬日登越王臺懷吊

對雪

送蕭處士

與韓鄭秀才同舟

長安歲暮

贈茅山高拾遺

答李秀才緘書



贈蕭

女廟

姑熟官

歌臺送韋秀才

卧疾

送盧判官

夜泊永陽戍

緱山廟

秋日

鄭侍御廳翫鶴

貽二道者

故杜少保池亭

秋日早朝

滄浪峽

登故洛陽城

寄釋子栖玄

暮宿東溪

雲陽驛西亭蓮池

題勤尊師山居

懷舊居

寄高拾遺

哭虞將軍

韋隱居郊園

訓薛秀才見貽

別劉秀才

次天姥岑

遊李隱君西齋

戲贈楊叡評事

晚回東郭

送楊秀才昆仲

郭秀才遊天台

送張尊師歸洞庭

寄前李明府

再遊姑蘇玉芝觀

夜歸驛樓

題靈山寺行堅師院

題韋長史山居

贈李伊闕

重遊練湖懷舊

送靈聰上人不及

汴河亭

村舍二首

鄭秀才東歸

傷李郎中

和友人送僧

寄韋中丞

途經敷水

和人賀楊僕射致政

四皓廟

鶴林寺中秋夜翫月

贈張明府

題衛將軍廟

訪別韋隱居不值

送于明府

聽歌鷓鴣詞

寄題華嚴韋秀才院

戲代李協律

送黃隱居歸南海

朝臺送客有懷

晨起泛舟有懷

拜起居表回

觀章中丞夜按歌舞

宿龍池留題

下第貽友人

晚登龍門驛樓

寄桐江隱者

送宋處士

韶陽樓夜讌

寄李相公

聽吹鷓鴣

秦樓曲

遊江令舊宅

灞上逢元處士

學仙二首

別張秀才

別表兄軍倅

題虎丘僧

酬郭少府見寄

經李氏莊

酬康州韋侍御同年

金谷園

送王總下第歸丹陽

南陽道中

大和公主歸宮

寄李定言

早秋韶陽夜雨

陪崔書宴海榴堂

贈王山人

獻崔大夫

贈鄭處士

元正

登尉佗樓

韶州驛樓宴罷

和王相公題書齋

送盧先輩二首

哭楊攀處士

旌儒廟

寄宋次都

寄蘇州二同志

贈盧山人

獻韶陽相國崔公

夜泊永樂有懷

鴻溝

重經四皓廟二首

郡齋夜坐寄二姪

病間寄郡中文士

賀少師相公致政

楚宮怨二首

題崔處士山居

讌李秀才

寄準上人

讌錢李貞外

經段太尉廟

訓錢汝州

餞送李明府

和劉三復送僧南歸

送王明府

姑蘇懷古

金陵懷古

送沈卓少府

和人賀楊僕射

酬邢杜二員外

經故丁補闕郊居

陪崔大夫泛後池二首

留別趙端公

寄陽陵處士

訪李隱居不值

寄崔大夫兼簡邢羣

寄殷堯藩秀才

贈河東虞押衙二首

陵陽春日寄舊遊

酬杜補闕

送張厚湔東修謁

酬副使鄭端見寄

酬于中丞見寄

春早郡樓書事

贈元處士

送元晝上人兼寄張厚二首

送陸拾遺東歸

途經秦始皇墓

題楞伽寺

題徐明府林館

酬和杜侍御

酬杜侍御重寄

贈何處士

寄獻三川守劉公二首

送段覺之

遇常州阮秀才

贈閑師

留別李叢秀才

竹林寺別友人

送武處士歸山居

題義女亭

送振武李從事

郊居春日有懷

傷故衛尉李少卿

寄滕郎中

聞邊將劉臯受戮

送薛秀才南遊

寄盧郎中

贈房明府

甘露寺感事貽同志

寄道玄上人

鷺鷥

夏日寄江上親友

漢水傷稼

酬盧端公

客至

經李給事舊居

丁卯集目錄終

丁卯集卷上



郢州刺史許



七言雜詩

凌歊臺

當塗縣西
宋高祖墓

宋祖凌樂未回三千歌舞宿層臺湘潭雲盡

暮山出巴蜀雪消春水來行殿有基荒薺合寢

園無主野棠開百年便作萬年計岳畔古碑空

綠苔

驪山

聞說先皇醉碧桃日華浮動一作艷鬱金袍風隨

玉輦笙歌迥。雲卷珠簾。劍佩高鳳。駕北歸山寂。
寂龍旗西幸。水滔滔。娥眉一作貴妃沒後。巡遊少瓦
落宮牆見野蒿。

咸陽城東樓

一上高城萬里愁。蒹葭楊柳似汀洲。溪雲初起
日沉閣。山雨欲來風滿樓。鳥下綠蕪秦苑夕。蟬
鳴黃葉漢宮秋。行人莫問當年事。故國東來渭
水流。一作行人莫問前朝事。渭水寒光晝夜流。

京口閑寄京浴友人

吳門煙月昔同遊。楓葉蘆花並客舟。聚散有期

雲北去。浮沉無計。水東流。一樽酒盡青山暮。千
里書回碧樹秋。何處相思不相見。鳳城宮一作龍
闕楚江樓。

傷李秀才

曾醉笙歌日正遲。醉中相送易前期。橘花滿地
人亡後。菰葉連天鴈一作客過時。琴倚舊窗塵漠
漠。劍橫新塚草離離。河橋酒熟平生事。更向東
流奠一卮。

冬日登越王臺懷歸

月沉高岫宿雲開。萬里歸心獨上來。河畔雪飛

楊子宅海邊花盛越王臺
龍分桂嶺魚難過瘴
近衡峯鴈却回鄉信漸
稀人漸老只應頻看北
枝梅

看一作醉

對雪

雲度龍山暗綺城
先飛浙瀝引輕盈
素娥冉冉拜瑤闕
皓鶴紛紛朝玉京
陰嶺有風梅艷散
寒林無月桂華清
剡溪一醉十年事
忽憶棹回天未明

送蕭處士歸緱嶺別業

醉斜烏帽髮如絲
曾看仙人一局碁
賓館有魚

為客久鄉書無鴈到家遲
緱山住近吹笙廟
湘水行逢鼓瑟祠
今夜月明何處宿
九疑雲盡綠參差

與韓鄭二秀才同舟東下洛中親友送

至景雲寺

三十六峯橫一作同一川
綠波無路草芊芊
牛羊晚食鋪平地
鷓鴣晴飛磨遠天
洛客盡回臨水寺
楚人皆逐下江船
東西未有相逢日
更把繁華共醉眠

長安歲暮

獨望天門倚劔歌干時無計老關河

一作每望青雲憶薛

羅長安九陌獨悲歌

東歸萬里慙張翰西上四年羞卞和

花暗楚城春醉少月涼秦塞夜愁多三山歲歲

有人去唯恐海風生白波

一作蓬瀛有路未知處漲海悠悠空碧波

贈茅山高拾遺

諫獵歸來綺季歌大茅峯影滿秋波山齋留客
掃紅葉野艇送僧披綠莎長覆舊圖碁勢盡遍
添新品藥名多雲中黃鵠日千里自宿自飛無
網羅

李秀才近自塗口遷居新安適枉緘書

見寬悲戚因以此答

遠書開罷更依依晨坐高臺竟落暉顏巷雪深
人已去庾樓花盛客初歸東堂望絕遷鶯起南
國哀餘候鴈飛今日勞君猶問訊一官唯長故
山薇

贈蕭兵曹

廣陵堤上昔離居帆轉瀟湘萬里餘楚客病時

無鵬鳥越鄉

一作江

歸處有鱸魚潮生水郭蒹葭

響雨過山城橘柚踈聞說攜琴兼載酒邑人爭

識

一作邛馬相如人休羨

題舒女廟

山樂來迎去不言。廟前高柳水禽喧。綺羅無色
雨侵帳。珠翠有聲風繞幡。粧鏡尚疑山月滿。寢
屏猶認野花繁。孤舟夢斷行雲散。何限離心寄
曉猿。

姑熟官舍

草生官舍似閑居。雪照南窓滿素書。貧後始知
為吏拙。病來還喜識人疎。青雲豈有窺梁燕。濁
水應無避釣魚。不待秋風便歸去。紫陽山下是
吾廬。

凌歊臺送韋秀才

雲起高臺日未沉。數村殘照半巖陰。野蠶成繭
桑柘盡。溪鳥引雛蒲稗深。帆勢依依投極浦。鐘
聲杳杳隔前林。故山迢遞故人去。一夜月明千

里心。巖一作蘿

卧疾

寒窓燈盡月斜暉。珮馬朝天獨掩扉。清露已凋
秦塞柳。白雲空長越山薇。病中送客難為別。夢
裏還家不當歸。唯有舊書書未得。卧聞燕鴈向南
飛。

送嶺南盧判官罷職歸華陰山居

曾事劉琨鴈塞空十年書劍似一作任飄蓬東堂

舊屈一作有移山志南國新留煮海功還掛一帆

青海畔更開三逕碧蓮中關西舊一作親友應一作

如相問已許滄浪伴釣翁

將度故城湖阻風夜泊永陽戍

行盡清溪日已蹉雲容山影水嵯峨樓前歸客
怨清夢樓上美人凝夜歌獨樹高高風勢急平
湖渺渺月明多終期一艇載樵去來往使帆凌
白波

緱山廟

王子求仙月滿臺玉簫清轉鶴徘徊曲終飛去
不知處山下碧桃春自開

秋日

琪樹西風華簟秋楚雲湘月憶同遊高歌一曲
掩明鏡昨日少年今白頭

鄭侍御廳翫鶴

碧天飛舞下晴莎金閣瑤池絕網羅岳響數聲
風滿樹岸移孤影雪凌波緱山去遠雲霄迥遼
海歸遲歲月多雙翅開千萬里祗應棲穩戀

喬柯

南庭夜坐貽開元禪定二道者

暮暮焚香何處宿。西巖一室映踈藤。光陰難駐
跡如客。寒暑不驚心。是僧高樹有風聞。夜磬遠
山無月見秋燈。身閑境靜日爲樂。若問自餘非
我能。

朱坡故少保杜公池亭

杜陵池榭綺城東。孤島回汀路不窮。高岫乍疑
三峽近。遠波初似五湖通。楸梧葉暗瀟瀟雨。菱
芡花香淡淡風。還有昔時巢燕在。飛來飛去盡

堂中

一作空

秋日早朝

宵衣應待絕更籌。環佩鏘鏘月下樓。井轉轆轤
千樹曉。鏢開閭闔萬山秋。龍旗盡列趨金殿。雉
扇纔分拜玉旒。虛戴鐵冠無一事。滄江歸去老

漁舟

一作滄江歸
老釣漁舟

滄浪峽

纓帶流塵髮半霜。獨尋殘月下滄浪。一聲溪鳥
暗雲散。萬片野花流水香。昔日未知方外樂。暮
年初信夢中忙。紅蝦青鯽紫芹脆。歸去不辭來

路長

登故洛陽城

禾黍離離半野蒿，昔人城此豈知勞。
水聲東去市朝變，山勢北來宮殿高。
鴉噪暮雲歸古堞，鴈迷寒雨下空壕。
可憐絳嶺登仙子，猶一作獨自吹笙醉碧桃。

聞釋子栖玄欲奉道因寄

欲求真訣戀禪扃，羽帔方袍盡有情。
仙骨本微靈鶴遠，法心潛動毒龍驚。
三山未有偷桃計，四海初傳問菊名。
今日勸師師莫惑，長生難學一作

似不證無生。

南海府罷南康阻淺行侶稍稍登陸主人燕錢至頻暮宿東溪

晴灘水落漲虛沙，灘去秦吳萬里賒。一作馬上

折殘江北柳，舟中開盡嶺南花。離歌不斷如留

客，歸夢初驚似到家。山鳥一聲人未起，半床春

月在天涯。到一作別

秋晚雲陽驛西亭蓮池

心憶蓮池秉燭遊，葉殘花敗尚維舟。
煙開翠扇清風曉，水沈紅衣白露秋。
神女暫來雲易散，仙

娥初去月難留。空懷遠道無持贈。醉倚欄干盡日愁。

題勤尊師歷陽山居 并序

師即思齊之孫。頃為故相國蕭公錄用。相國致政尊師亦自邊將入道。因贈是詩。

二十知兵在羽林。中年潛識子房心。蒼鷹出塞胡塵滅。一作靜白鶴還鄉楚水深。春坼酒瓶浮一作兼藥氣。晚攜碁局帶松陰。雞籠山上雲多處。自斲黃精不可尋。

懷舊居

兵書一篋老無功。故國郊扉在夢中。藤蔓覆梨張谷暗。一作靜草花侵菊一作杏。庾園空。朱門跡忝登龍客。白屋心期失馬翁。楚水吳山何處是。北窻殘月照屏風。

祇命許昌自郊居移入公館秋日寄茅山高拾遺

一笛迎風萬葉飛。強攜刀筆換荷衣。潮寒水國秋砧早。月暗山城夜漏稀。巖響遠聞樵客過。浦深遙送釣童歸。中年未識從軍樂。虛近三茅望少微。

哭虞將軍

白首從軍未有名，近將孤劍到江城。巴童戍久能番語，胡馬調多解漢行。對雪夜窮黃石略，望雲秋計黑山程。可憐身死家猶遠，汴水東流無哭聲。

晚自朝臺至韋隱居郊園

秋來鳧鴈下方塘，繫馬朝臺步夕陽。村逕繞山松葉暗，野門臨水稻花香。雲連海氣琴書潤，風帶潮聲枕簟涼。西去磻溪猶萬里，可能垂白待文王。

寓居開元精舍酬薛秀才見貽

知己蕭條信一作成陸沉，茂陵扶疾卧西林。芰荷風起客堂靜，松桂月高僧院深。清露下時傷旅鬢，白雲歸處寄鄉心。一作勞君詩思一作句猶相憶，題在一作向空齋夜夜吟。一作日吟

別劉秀才

三獻無功玉有瑕，更攜書劍客天涯。孤帆夜別瀟湘雨，廣陌春期鄠杜花。燈照水螢千點滅，棹驚灘鴈一行斜。關河萬里一作迢遞秋風急，望見鄉山不到家。

早發天台中巖寺度關嶺次天姥岑

來往天台天姥間欲求真訣駐衰顏星河半落
巖前寺雲霧初開嶺上一作外關丹壑樹多風浩
浩碧溪苔淺水潺潺可知劉阮逢人處行盡深
山又是山

遊錢塘青山李隱居西齋

小隱西亭爲客開翠蘿深處遍蒼一作青苔林間
掃石安碁局巖下分泉遞酒盃蘭葉露光秋月
上蘆花風起夜潮來雲山遶屋猶嫌淺欲棹漁
舟近釣臺

春日郊園戲贈楊叡評事

十里蒹葭入薜蘿春風誰許暫鳴珂相如渴後
狂還減曼倩飢來語更多門枕碧溪冰皓耀檻
齊青嶂雪嵯峨野橋沽酒茅簷醉誰羨紅樓一
曲歌

晚自東郭回留一二遊侶

鄉心迢遞宦情微吏散尋幽竟落暉林下草腥
巢鷺宿洞前雲濕雨龍歸鐘隨野艇回孤棹鼓
絕山城掩半扉今夜西齋好風月一瓢春酒莫
相違

與鄭秀才叔姪會送楊秀才昆仲東歸
書劔功遲白髮新異鄉仍送故鄉人阮公留客
竹齋曉田氏到家荆樹春雪盡塞鴻南翥少風
來胡馬北嘶頻洞庭煙月如終老誰是長楊諫
獵人

送郭秀才遊天台

余嘗與郭秀才同翫朱審畫天台山圖秀才因
游是山題詩贈別焉

并序

雲埋陰壑雪凝峯半壁天台已萬重人度碧溪
疑輟棹僧歸蒼嶺似聞鐘暖眠鷓鴣晴灘草高

掛瀰猴暮澗松曾約共遊今獨去赤城西面水
溶溶

送張尊師歸洞庭

能琴道士洞庭西風滿歸帆路不迷對岸水花
霜後淺傍簷山果雨來低杉松近晚移茶竈巖
谷初寒蓋藥畦他日相思兩行字無人知處武
陵溪

移攝太平寄前李明府

病移一作多岳邑稱閑身何處風光貫酒頻溪柳
遶門彭澤令野花連洞武陵人嬌歌自駐壺中

景艷舞長留海上春早晚高臺更同醉綠蘿如
帳草如茵

再遊姑蘇玉芝觀

高梧一葉下秋初迢遞重廊舊寄一作重居月

過碧窓今夜酒雨昏紅壁去年書玉池露冷芙

蓉淺瓊樹風高一作金井一作金煙分薛荔踈明日挂帆一作

更東去仙翁應笑為鱸魚舟

夜歸驛樓

水晚雲秋山不窮自疑身在畫屏中孤舟移棹
一江月高閣捲簾千樹風窓下覆碁殘局在橘

邊沽酒半壘空早炊香稻待鱸膾南渚未明尋

釣翁

題靈山寺行堅師院

西巖一逕不通樵八十持盃未覺遙龍在石潭

聞夜雨鴈移沙渚見秋潮經函露濕文多一作

暗香印風吹字半一作銷應笑東歸又南去越

山無路水迢迢

題韋長史山居

一官唯買畫公堂但得身閑日自長琴曲少聲

重勘譜藥丸多忌更尋方溪浮箬葉添盃綠泉

遶松根助茗香明日鯁魚何處釣門前春水似
滄浪

贈李伊闕 并序

前伊闕李師晦侍御辭秩歸山過余所止醉圖
二室於屋壁亦招隱之旨也因而有贈焉
桐履如飛不可尋一壺雙笈嶧陽琴舟橫野渡
寒風急門掩荒山夜雪深貧笑白駒無去意病
慙黃鵠有歸心雲間二室勞君畫水墨蒼蒼半
壁陰

重遊練湖懷舊 并序

余嘗與故宋補闕次都秋夕游練湖亭今復登
賞愴然有感因賦是詩

西風渺渺月連天同醉蘭舟未十年鵬鳥賦成
人已沒嘉魚詩在世空傳榮枯盡寄浮雲外哀
樂猶驚逝水前日暮長隄更回首一聲鄰笛舊

山川

一作一聲蟬
續一聲蟬

乘月棹舟送大曆寺靈聰上人不及

萬峯秋盡百泉清舊鎖禪扉在赤城楓浦客來
煙未散竹窓僧去月猶明杯浮野渡魚龍遠錫
響空山虎豹驚一字不留何足訝白雲無路水

無情

汴河亭

廣陵花盛帝東游先劈崑崙

一作先劈黃河

一派流百

二禁兵辭象闕三千宮女下龍舟凝雲鼓震星

辰動拂浪旗開日月浮四海義師歸有道迷樓

還似一作何異景陽樓

村舍二首

自剪青莎織雨衣南峯

一作南村

煙火是柴扉菜

一作

山妻早報

一作起

蒸藜熟童子遙迎種豆歸魚下

碧潭當鏡躍鳥還青嶂拂屏飛花時未免人來

往欲買嚴光舊釣磯

尚平多累自歸

一作休

難一日身閑

一作深居

一日安

山逕有雲收獵網水門

一作庭

無月掛魚竿花間

酒氣春風遠竹裏碁聲夜雨寒三頃水田秋更

熟北窻誰拂舊塵冠

鄭秀才東歸憑達家書

欲寄家書少客過閉門心遠洞庭波兩巖花落

夜風急一逕草荒春雨多愁泛楚江吟浩渺憶

歸吳岫夢嵯峨貧居不問應知處溪上閑船

一作扁舟繫綠蘿

傷湖州李郎中

政成身沒共興哀，鄉路兵戈旅櫬迴。
城上暮雲凝鼓角，海邊春草閉池臺。
經年未葬佳人散，昨夜因齋故吏來。
南北相逢皆掩泣，一作欲過洞

白蘋洲暖一作花開

和友人送僧歸桂州靈巖寺

楚客送僧歸桂陽，海門帆勢瀟湘碧。
雲千里暮愁合，白雪一聲春思長。
柳絮擁堤添衲軟，松花浮水注瓶香。
南宗長老幾年別，聞道半巖多彩

淮陰阻風寄楚州韋中丞

垂釣京江欲白頭，江魚堪釣却西游。
劉伶臺下稻花晚，韓信廟前楓葉秋。
淮月未明先倚檻，海雲初起更維舟。
河橋有酒無人醉，獨上高城望庾樓

途經敷水

脩蛾顰翠倚柔桑，遙謝春風白面郎。
五夜有情隨暮雨，百年無節待秋霜。
重尋繡帶朱藤合，更認羅裙碧草長。
何處野花何處水，下峯流出一渠香

和人賀楊僕射致政 并序

祠部楊貞外以僕射楊公拜官致仕舊府賓僚
及門生合燕申賀飲後書事因和呈

蓮府 一作龍闕公卿拜後塵手持優詔挂朱輪從軍

幕下三千客聞禮庭中七十人飾帳麗詞推北

巷畫堂清樂掩南隣豈同王謝山陰會空叙流

盃醉 一作向暮春

四皓廟

桂香松暖廟門開獨瀉椒漿奠一盃秦法欲興
鴻已去漢儲將廢鳳還來紫芝翳翳多青草白

石蒼蒼半綠苔山下驛塵南竄路不知冠蓋幾
人回

鶴林寺中秋夜翫月

待月東林月正圓廣庭無樹草無煙中秋雲盡
出滄海半夜露寒當碧天輪彩漸移金殿外鏡
光猶挂玉樓前莫辭達曙慙慙望一墮西巖又
隔年

南海府罷歸京口經大庾嶺贈張明府

樓船旌旆極天涯一劍從軍兩鬢華回日眼明
河畔草 一作柳去時腸斷嶺頭花陶詩盡寫行過

縣張賦初成卧到家官滿知君有歸處姑蘇臺

上

一作吳王宮殿

舊煙霞

題衛將軍廟 并序

將軍名逖陽羨人少習詩書學弓劍有武略二十七游并汾間遇神堯皇帝始建義旗逖以勇藝進備行列洎擒竇建德逖時挾鎗劍前突後翼太宗顧而竒之天下既定錄其功拜將軍宿衛以母老病且乞歸侍殘年辭旨哀激詔許之既而以孝敬睦閨門以然信居鄉里及卒邑人懷其賢廟宇荆溪之湄以平生弓甲懸東西廡

下歲時祠祭頗福其土焉文士王敖撰碑辭實詳備惜乎國史闕書其人因題是詩于廟壁

武牢關下護龍旗挾槩

一作戟

彎弓馬上飛漢業

未興王霸在秦軍纔散魯連歸墳穿大澤埋金

劍廟枕長溪挂鐵衣欲奠

一作弔

忠魂何處問葦

花楓葉雨霏霏

訪別韋隱居不值 并序

余行至雙巖溪訪韋隱居已榜舟詣開元寺水閣見送棹回已晚因題是詩留別
犬吠雙巖碧樹間主人朝出半開關湯師閣上

留詩別杜叟橋邊載酒還櫟塢炭煙晴過嶺蓼
村漁火一作夜移灣故鄉蕪沒兵戈後憑向溪
南買一山

送前東陽于明府由鄂渚歸故林

結束征車換黑貂灞西風雨正瀟瀟茂陵久病
書千卷彭澤初歸酒一瓢帆背夕陽湓水闊棹
經滄海甌山遙殷勤爲謝南溪客白首螢窓未

見招

一作華門
誰見招

聽歌鷓鴣辭 并序

余過陝州夜讌將罷妓人善歌鷓鴣者詞調清

怨往往在耳因題是詩

南國多情多艷詞鷓鴣清怨遶梁飛甘棠城上
客先醉苦竹嶺頭人未歸響轉碧霄雲駐影曲
終清漏月沉暉山行水宿不知遠猶夢玉釵金
縷衣

寄題華嚴韋秀才院

三面樓臺百丈峯西巖高沈樹重重晴攀翠竹
一作題詩滑秋摘黃花釀酒濃山殿日斜喧鳥
雀石潭波動戲魚龍今來故國遙相憶月照千
山半夜鐘

戲代李協律松江有贈

蜀客操琴吳女歌明珠十斛是天河霜凝薜荔
怯秋樹露滴芙蓉愁晚波蘭浦遠鄉應解佩柳
隄殘月未鳴珂西樓沉醉不知散潮落洞庭洲
渚多

送黃隱居歸南海

瘴霧南邊久寄家海中來往信流槎林藏鷺鷥
弗^音多殘筍樹過猩猩少落花深洞有雲龍蛻骨
半巖無草象生牙知君愛宿層峯頂坐到三更
見日華

朝臺送客有懷

趙佗西拜已登壇馬援南征土宇寬越國舊無
唐印綬蠻鄉今有漢衣冠江雲帶日秋偏熱海
雨隨風夏亦寒嶺北歸人莫回首蓼花楓葉萬
重灘

自楞伽寺晨起汎舟道中有懷

碧樹蒼蒼茂苑東佳期迢遞路何窮一聲山鳥
曙雲外萬點水螢秋草中門掩竹齋微有月棹
移蘭渚淡無風欲知此路堪惆悵菱葉蓼花連
故宮

十二月拜起居表回

一章西奏拜仙曹回馬天津北望勞寒水欲春
冰彩薄曉山初霽雪峯高樓形向日攢飛鳳宮
勢凌波壓抃鰲空鎖煙霞絕巡幸周人誰識鬱
金袍

觀章中丞夜按歌舞

夜按雙娃禁曲新東西簫鼓接雲一作華津舞衫
未換紅鈿濕歌扇初移翠黛顰彩檻燭煙光吐
日畫屏香霧暖凝春西樓月在襄王醉十二山
高不見人

重遊飛泉觀題故梁道士宿龍池

西巖泉落水容寬靈物蜿蜒黑處蟠松葉正秋
琴韻響菱花初曉鏡光寒雲開星月浮山殿雨
過風雷繞石壇仙客不歸龍亦去稻畦長滿此
池乾

下第貽友人

身在關西家洞庭夜寒歌苦燭熒熒一作孤燭
夜熒熒
人心高下月中桂客思往來波上萍馬氏識君
眉最白阮公留我眼長青花前失意共寥落莫
遣東風吹酒醒

晚登龍門驛樓

魚龍多處鑿門開，萬古人知夏禹材。
青嶂遠分從地斷，洪流高瀉自天來。
風雲有路皆燒尾，波浪無程盡曝腮。
心感膺門身過此，晚山秋樹獨徘徊。

寄桐江隱者

潮去潮來洲渚春，山花如綉草如茵。
嚴陵臺下桐江水，解釣鱸魚能幾人。

送宋處士

賣藥修琴歸去遲，山風吹落桂花時。
世間甲子

須臾過

一作事

逢着仙翁莫看棋

韶州韶陽樓夜讌

待月西樓捲翠羅，玉杯瑤瑟近星河。
簾前碧樹窮秋密，窗外青山薄暮多。
鸚鵡未知狂客醉，鷓鴣先讓美人歌。
使君莫惜通宵飲，刀筆初從馬伏波。

聞韶州李相公移拜郴州因寄

詔移丞相木蘭舟，桂水潺湲嶺北流。
青漢夢歸雙闕曙，白雲吟過五湖秋。
恩迴玉宸人先喜，道在金滕世不憂。
聞說公卿盡南望，甘棠花暖鳳

池頭

聽吹鷓鴣

金谷歌傳第一流，鷓鴣清怨碧雲愁。
夜來省得曾聞處，萬里月明湘水流。

秦樓曲

秦女夢餘仙路遙，月窻風簟夜迢迢。
伴郎翠鳳雙飛去，三十六宮聞玉簫。

游江令舊宅

身沒南朝宅已荒，邑人猶賞舊風光。
芹根生葉石池淺，桐樹落花金井香。
帶暖山蜂巢盡閣，欲

陰溪燕集書堂閑，愁此地更西望。
一作潮浸臺
城春草長

灞上逢元處士東歸

瘦馬頻嘶灞水寒，灞南高處望長安。
何人更結王生鞞，此客虛彈貢氏冠。
江上蟹螯沙渺渺，塢中蝸殼雪漫漫。
舊交已變一作盡新知少，却伴漁師把釣竿。

學仙二首

漢武迎仙紫禁秋，玉笙瑤瑟祀崑丘。
年年望斷無消息，空閉王城十二樓。

心期仙訣意無窮
彩畫雲車起壽宮
聞有三山未知處
茂陵松柏滿西風

別張秀才

并序

余與張秀才同出關
至陝府余取南道止洛下
張由北路抵江東
因幕中讌餞遂賦詩以別
不知何計寫離憂
萬里山川半舊遊
風捲暮沙和雪起
日融春水帶冰流
凌晨客淚分東郭
竟夕鄉心共北樓
青桂一枝年少事
莫因鱸膾涉窮秋

別表兄軍倅

并序

余祇命南海至廬陵
逢表兄軍倅奉使淮海
別後却寄是詩

盧橘花香拂釣磯
佳人猶舞越羅衣
三洲水淺魚來少
五嶺山高鴈到稀
客路晚依紅樹宿
鄉關望白雲歸
交親不念征南吏
一作客昨夜風帆去似飛

題蘇州虎丘寺僧院

暫引寒泉濯遠塵
此生多是異鄉人
荆溪夜雨花開疾
吳苑秋風月滿頻
萬里高低門外路
百年榮辱夢中身
世間誰似西林客
一卧煙霞四

十春

酬郭少府先奉使巡潞見寄兼呈裴明府

載書攜榼別池龍十幅輕帆處處通
謝眺宅荒山翠裏王粲城古月明中
江村夜漲浮天水澤國秋生動地風
飽食鱸魚榜歸檝待君琴酒醉陶公

出永通門經李氏莊

飛軒危檻百花堂朝讌歌鐘暮已荒
中散獄成琴自怨步兵厨廢酒猶香
風池宿鳥喧朱閣雨

砌秋螢拂畫梁力保山河家又慶
祗應中令敵汾陽

酬康州韋侍御同年

桂楫美人歌木蘭西風嫋嫋露溥溥
夜長曲盡意不盡月在瀟湘洲渚寒

金谷園

三惑沉身是此園古藤荒草野一作暮
禽喧二十四友一朝盡愛妾墜樓何足言

送王總下第歸丹陽

秦樓心斷楚江湄繫馬春風酒一卮
汴水月明

東下疾練塘花發北來遲青蕪定沒安貧處黃
葉應催獻賦時憑寄家書為一作問回報舊居還
有故人知

南陽道中

月斜孤館傍村行野店高低帶古城籬上曉花
齋後落井邊秋葉社前生飢烏索哺隨雞叫乳
犢慵歸望犢鳴荒草連天風動地不知誰學武
侯耕

破北虜太和公主歸宮闕

毳幕承秋極斷蓬飄颻一劍黑山空匈奴北走

荒秦壘貴主西還盛漢宮定是廟謨傾種落必
知邊寇畏驍雄恩沾殘類從歸去莫使華人雜
犬戎

李定言自殿院銜命歸闕拜外郎俄遷
右史因寄

白筆南征變二毛越山愁瘴海驚濤纔歸龍尾
含雞舌更立螭頭運一作吮兔毫閭闔欲開宮漏

盡冕旒初坐御香高吳中舊侶一作友君先貴曾

憶王祥與佩刀

早秋韶陽夜雨

宋玉含悽夢亦驚芙蓉山響一猿聲陰雲迎一作
凝雨枕先潤夜電引雷窻暫明暗惜水花飄廣
檻遠愁風葉下高城西歸萬里未千里應到故

園春草生

將爲南行陪尚書崔公宴海榴堂

朝讌華堂暮未休幾人偏得謝公留風傳鼓角
霜侵戟雲卷笙歌月上樓賓館盡開徐穉榻客
帆空戀李膺舟謾誇書劍無歸處水遠山長步
步愁

贈王山人

貰酒攜琴訪我頻如知城市有閑人君臣藥在
寧憂病子母錢成豈患貧年長每勞推甲子夜
寒初共守庚申近來聞說燒丹處玉洞桃花萬
樹春

宣城崔大夫召聯句偶疾不獲赴因獻
心慕知音命自拘畫堂聞欲試吹竽茂陵罷酒
慙中聖漳浦題詩怯大巫鬢鬣幾年傷在藻羽
毛終日羨棲梧還愁旅棹空歸去楓葉荷花釣
五湖

贈鄭處士

道傍年少莫矜誇，心在重霄鬢未華。
楊子可曾過北里，魯人何必敬東家。
寒雲曉散千峯雪，暖雨晴開一徑花。
且賣湖田釀春酒，與君書劍是生涯。

元正

高揭雞竿闢帝閭，祥風微暖瑞雲屯。
千官共削姦臣迹，萬國初銜聖主恩。
宮殿雪華齊紫閣，關河春色到青門。
華夷一軌人方泰，莫學論兵誤至尊。

登尉佗樓

劉項持兵鹿未窮，自乘黃屋島夷中。
南來作尉任囂力，北向稱臣陸賈功。
簫鼓尚陳今世廟，旌旗猶鎖昔時宮。
越人未必知虞舜，一奏薰絃萬古風。

鎮一作鎖

韶州驛樓宴罷

簷外千帆背夕陽，歸心杳杳鬢蒼蒼。
嶺猿羣宿夜山靜，沙鳥獨飛秋水涼。
露墮桂花碁局濕，風吹荷葉酒瓶香。
主人不醉下樓去，月在南軒更漏長。

和淮南王相公與賓僚同游瓜州別業

題舊書齋

碧油紅旆想青衿積雪窓前盡日吟巢鶴去時
雲樹老卧龍歸處石潭深道傍苦李猶垂實城
外甘棠已布陰賓御莫辭巖下醉武丁高枕待
為霖

送盧先輩自衡岳赴復州嘉禮二首

名振金閨步玉京暫留滄海見高情衆花盡處
松千尺羣鳥喧時鶴一聲朱閣簟涼疎雨過碧
溪船動早潮生離心不異西江水直送征帆萬
里行

湘南詩客海中行鵬翅垂雲不自矜秋水靜磨
金鏡上夜風寒結玉壺冰萬重嶺嶠辭衡岳千
里山陂問竟陵醉倚西樓人已遠柳溪無浪月
澄澄

哭楊攀處士

先生憂道樂清貧白髮終爲不仕身嵇阮沒來
無酒客應劉亡後少詩人山前月照孤墳曉溪
上花開舊宅春昨夜回舟更惆悵至今鐘磬滿
南陵

旌儒廟

寒谷一作柏陰風萬古悲
儒冠相枕死秦時
廟前亦有商山路
不學老翁歌紫芝

寄宋次都

朱檻煙霜夜坐勞
美人南國舊同袍
山長水遠無消息
瑤瑟一彈秋月高

宿望亭館寄蘇州一二同志

候館人稀夜自一作更長
姑蘇城遠樹蒼蒼
江湖水落高樓迥
河漢秋歸廣簟涼
月轉碧梧移鵲影
露低紅葉濕螢光
西園詩侶應多思
莫醉笙歌掩畫堂

廬山人自巴蜀由湘潭歸茅山因贈

太一靈方鍊紫荷
紫荷飛盡髮皤皤
猿啼巫峽曉雲薄
鴈宿洞庭秋月多
導引豈如桃葉舞
步虛寧比竹枝歌
華陽舊隱莫歸去
水沒芝田生綠莎

潁州從事西湖亭讌餞

西湖清讌不知回
一曲離歌酒一杯
城帶夕陽聞鼓角
寺臨秋水見樓臺
蘭堂客散蟬猶噪
桂楫人稀鳥自來
獨想征車過洛此
中霜菊遶潭開

瓜洲留別李詡

泣玉三年一見君，白衣顛顛更離羣。
楊隄惜別春潮晚，花榭留歡夜漏分。
孤館宿時風帶雨，遠帆歸處水連雲。
悲歌曲盡莫重奏，心遠關河不忍聞。

余謝病東歸，王秀才見寄今潘秀才南棹奉訓

酷似牢之玉，不如落星山下白雲居。
春耕旋構金門客，夜學兼修玉府書。
風掃碧雲迎鷺鳥，水還滄海養嘉魚。
莫將年少輕時節，王氏家風在

石渠

獻韶陽相國崔公

一匱爲功極九層，康莊猶自劔稜稜。
舟回北渚經年泊，門接東山盡日登。
萬國已聞傳玉璽，百官猶望啓金滕。
賢臣會致唐虞世，獨倚江樓笑范增。

夜泊永樂有懷

蓮渚愁紅蕩碧波，吳娃齊唱採蓮歌。
橫塘一別千餘里，蘆葦蕭蕭風雨多。

鴻溝

相持未定各爲一作懷君秦政山河此地分力盡
烏江千載後古溝荒草起寒雲

重經四皓廟二首

峩峩商嶺採芝人雪頂霜髯虎豹茵山酒一壺
歌一曲漢家天子忌功臣

避秦安漢出藍關松桂花陰滿舊山自是無人
有歸意白雲長在水潺潺

郡齋夜坐寄舊鄉二姪

千官奉職袞龍垂旅卧淮陽鬢 衰三月已乖
棠樹政二年空負竹林期樓侵白浪風來遠城

抱丹巖日到遲長欲挂帆君莫笑越禽花晚夢
南枝

病間寄郡中文士

盧橘含花處處香老人依舊卧清漳心同客舍
驚秋早跡似僧齋厭夜長風卷翠簾琴自響露
凝朱閣簟先涼明朝欲醉文中彥猶覺吟聲帶
越鄉

賀少師相公致政 并序

少師相公未及懸車之年二 乞罷將相徵於
近代更無此肩余受恩門館竊杼長句寄獻

六十懸車自古稀我公年少獨忘機門臨二室
留侯隱棹倚三川越相歸不擬優游同陸賈已
回清白遺胡威龍城鳳沼棠陰在只恐歸鴻更
北飛

楚宮怨

十二山晴花盡開楚宮雙闕對陽臺細腰爭舞
君沉醉白日秦兵江上來

獵騎秋來在內稀渚宮雲雨濕龍

一作君

衣騰騰

戰鼓動城

江上

一作畔

射麋殊未歸

題崔處士山居

坐窮今古掩書堂二頃湖田一半荒荆樹有花
兄弟樂橘林無實子孫忙龍歸曉洞雲猶濕麝
過春山草自香向夜欲歸心萬里故園松月更
蒼蒼

疾後興郡中羣公讌李秀才

強留佳客讌王孫巖上餘花落酒樽書院欲開
蟲網戶訟庭猶掩雀羅門耳虛盡日疑琴癖眼
暗經秋覺鏡昏莫引劉安倚西楹夜來紅葉下
江村

晨起白雲樓寄龍興江準上人兼呈竇

秀才

秀才方自
竟陵回

茲樓今是望鄉臺
鄉信全稀曉鴈哀
山翠萬重當檻出
水華千里抱城來
東巖月在僧初起
南浦花殘客已回
欲弔靈均能去否
秋風還有木蘭開

醮錢李貞外

并序

李羣之負外從事荆南尚書楊公詔徵赴闕俄
爲淮南相國杜公辟命自漢上舟行至此郡於
雲樓醮罷解纜阻風却回因贈
病守江城眼暫開
昔年吳越共銜盃
膺舟出鎮

虛陳榻鄭履還京下
隗臺雲葉漸低朱閣掩
浪花初起畫檣回
心期解印同君醉
九曲池西望月來

經故太尉段公廟

徒想追兵緩翠華
古碑

一作城邊

荒廟閉松花
紀生

不向滎陽死
豈有山河屬漢家

訓錢汝州

并序

汝州錢中丞以渾赴郢城見寄佳什恩憐過等
寵飾逾深雖吟詠忘疲實楷模不及輒率荒淺
依韻獻訓

白雪多隨漢水流，謾勞旌旆晚悠悠。笙歌暗寫
終年恨，臺榭潛消盡日憂。鳥散落花人自醉，馬
嘶芳草客先愁。怪來雅韻清無敵，三十六峯當
庾樓。

將歸姑蘇南樓餞送李明府

無處登臨

樓一作

不繫情一憑

瓶一作

春酒醉高城

暫移羅綺見

山色纔駐管絃聞，水聲花落西亭

添別夢

恨一作

柳陰南浦促歸程，前期迢遞今宵

短更倚朱欄待月明

和浙西從事劉三復送僧南歸

楚客送僧歸故鄉，海門帆勢極瀟湘。碧雲千里
暮愁合，白雪一聲春思長。開院草花平講席，繞
龕藤葉蓋禪床。憐師不得隨師去，已戴儒冠事
素王。

送上元王明府赴任

莫言名重嬾驅雞，六代江山碧海西。日照蒹葭
明楚塞，煙分楊柳見隋堤。荒城樹暗沈書浦，舊
宅花連罨畫溪。官滿定知歸未得，九重霄漢有
丹梯。

姑蘇懷古

宮館餘基輟棹過黍苗無限獨悲歌荒臺麋鹿
爭新草空苑鳧鷖占淺莎吳岫雨來虛檻冷楚
江風急遠帆多可憐國破忠臣死日日東流生
白波

金陵懷古

玉樹歌殘

一作愁

王氣終景陽兵合戍

一作畫

樓空

松梧

一作梧

楸遠近千官塚黍高低六代宮石燕

拂雲晴亦雨江豚吹浪夜還風英雄一去豪華
盡唯有青山似洛中

送沈卓少府任江都

或作趙假

煬帝都城春水邊笙歌夜上木蘭船三千宮女
自一作塗地十萬人家如洞天艷艷花枝官舍
晚重重雲影寺牆連少年作尉須兢慎莫向樓
前墜馬鞭

和人賀楊僕射

酬邢杜二負外 并序

新安邢負外懷洛下舊居新定杜負外思關中故里各蒙緘示因寄二詩以酬

雪帶東風洗畫屏客星懸處聚文星未歸嵩嶺暮雲碧久別杜陵春草青熊軾並驅因雀噪隼旗齊駐是鴻冥豈知京洛舊親友夢繞潯溪江上亭

經故丁補闕郊居

死酬知己道終全波暖孤冰且自堅鵬上承塵

纔一日鶴歸華表已千年風吹藥蔓迷樵逕雨暗蘆花失釣船四尺孤墳何處是闔閭城外草連天

陪宣城大夫崔公泛後池兼北樓讌二首

陪汎芳池醉北樓水花繁艷照膺舟亭臺陰合樹初晝弦管韻高山欲秋皆賀號巖終選傳自傷燕谷未逢鄒昔時恩遇今能否一尉滄洲已白頭

江上西來共鳥飛剪荷浮汎似輕肥王珣作簿

公曾喜劉表為邦客盡依雲外軒窗通早景風
前簫鼓送殘暉宛陵行樂金陵住遙對家山未
憶歸

留別趙端公

并序

余行次鍾陵府中諸公宴餞趙端公曉赴郡齋
宿約余來且整棹因留別

海門征棹越龍瀧暫寄華筵倒玉缸簫鼓散時
逢夜雨綺羅分處下秋江孤帆已過滕王閣高
榻留眠謝守窻却願煙波阻風雪待君同拜碧
油幢

寄陽陵處士

舊隱青山紫桂陰一書迢遞寄歸心謝公樓上
晚花盛楊子宅前春草深吳岫雨來溪鳥浴楚
江雲暗嶺猿吟野人寧憶滄洲畔會待吹噓定
至音

與張道士同訪李隱居不遇

千巖萬壑獨攜琴知在陵

一作龍

陽不可尋去轍

已平秋草遍空

一作寒

齋長掩暮雲深霜寒橡栗

留

一作霜
一作橘供

山鼠月冷菰蒲散水禽唯有西鄰

張仲蔚坐來同愴別離心

聞州中有讌寄崔大夫兼簡邢羣評事
簫管筵間列翠蛾玉盃金液耀金波池邊雨過
飄帷幕海上風來動綺羅顏子巷深青草遍庾
君樓迥碧山多甘心不及同年友卧聽行雲一
曲歌

寄殷堯藩秀才

十載功名翰墨林為從知己信沉沉青山有雪
諳松性碧落無雲稱鶴心帶月獨歸蕭寺遠翫
花頻醉庾樓深思君一見如瓊樹空把新詩盡
日吟

贈河東虞押衙二首

永興公孫亦善書

長劍高歌換素衣君恩未報不言歸舊精一作
鳥篆諳書體新授龍韜識戰機萬里往來征馬
瘦十年離別故人稀平生志氣何人見空上西
樓望落暉

吳門風水落萍流月滿花開懶獨游萬里山川
分曉夢四隣歌管送春愁昔年顧我長青眼今
日逢君盡白頭莫向樽前更惆悵古來投筆揔
封侯

陵陽春日寄汝洛舊游

百年身世似飄蓬澤國移家疊嶂中萬里綠

萬頃碧波魚戀釣九重青漢鶴愁籠西池水冷春

巖雪南浦一作花香曉樹風縱有一作芳樽心

不醉故人多在洛城東

酬杜補闕初春雨中泛舟次橫江喜裴

郎中相迎見寄

江館維舟為庾公暖波微淥雨濛濛紅檣迤邐

春巖下朱旆聯翩曉樹中柳滴圓波生細浪梅

含香艷吐輕風郢歌莫問青山吏一作魚在深

池鳥在籠

送張厚荆東修謁

涼露清蟬柳泊空故人遥指荆江東青山有雪

松當澗碧落無雲鶴出籠齊唱離歌愁晚月獨

看征棹怨秋風定知洛下聲名士共說膺門得

孔融

酬副使鄭端公見寄

一日高名遍九州玄珠仍向道中求郢中白雪

慙新唱塗上青山憶舊游端公頃在當塗縣青

邑因沐笙磬有文終易別珠璣無價竟難酬柳

營迢遞風江闊夜夜孤吟月下樓

酬綿州于中丞使君見寄

故人書信越褒斜，新意雖多舊約賒。皆就一麾先去國，共謀三逕未還家。荆巫夜隔巴西月，鄢郢春連漢上花。半月離居猶悵望，可堪垂白各天涯。

春早郡樓書事寄呈府中羣公

兩鬢垂絲髮，半霜石城孤。夢繞襄陽駕，鴻幕裏蓮披。檻虎豹營中柳，拂牆畫舸欲行春。水急翠簾初捲暮，山長峴亭風起花。千片流入南湖盡，日香

元處士自洛歸宛陵山居見示詹事相公餞行之什因贈

紫霄峯下絕韋編，舊隱相如結鞵前。

元君舊隱廬山學易

常為相國師暇

月落尚留東閣醉，風高還憶北窓眠。

江城夜別瀟瀟雨，山檻晴歸漠漠煙。一頃豆花三頃竹，想應拋卻釣魚船。

送元晝上人歸蘇州兼寄張厚二首

自卜閑居荆水幽

一作頭

感時傷別思悠悠，一樽

酒盡青山暮

一作萬

里書回碧樹秋。深巷久貧

知一作長

寂寞小詩多，病尚

一作也

風流晝公此去

應相問爲說沾巾

一作衣

憶舊游

二年無事客吳鄉
南陌春園碧草長
共醉八門回畫舸
獨還三逕掩書堂
前山雨過池塘滿
小院秋歸枕簟涼
經歲別離心自苦
何堪黃葉落清漳

送陸拾遺東歸

獨振儒風

一作獨負才名

遇盛時紫泥初出

一作降世人

知文

一作封

章報主非無意
書劍還家素有期
秋

寺卧雲移棹晚暮江

一作天

乘月落帆遲東歸自

是緣清興莫比商山詠紫芝

途經秦始皇墓

龍盤虎踞樹層層
勢入浮雲亦是崩
一種青山秋草裏
路人唯拜漢文陵

題楞伽寺

碧煙秋寺泛湖來
水浸城根古堞摧
盡日傷心人不見
石榴花滿

一作石楠花發

舊歌臺

湘南徐明府余之南隣
久不還家因題林館

湘南官滿不歸來
高閣經年掩綠苔
魚溢池塘秋雨過
鳥還洲島暮雲回
階前石穩碁終局
窻

外山高酒滿盃借問先生在何處遠籬疎菊又
花開

酬和杜侍御 并序

河中杜侍御祇命本府自鍾陵舟抵漢上道出
茲郡以某專使迎接先蒙雅什見貽竊慕清才
輒酬和

花時曾省杜陵游聞下書帷不舉頭因過石城
先訪戴欲朝金闕暫依劉征帆夜轉鷓鴣穴一作
嶠騁騎春辭鶴雀樓正把新詩望南浦棹歌應
是木蘭舟

酬河中杜侍御重寄

五色如絲下碧空片帆還遶楚王宮文章已變
南山霧羽翼應搏北海風春雪預呈霜簡白曉
霞先染繡衣紅十千沽酒留君醉莫道歸心似
轉蓬

贈何處士

東別茅峯北去秦梅仙書裏說知人白頭主印
青山下雖遇唐生不敢親

寄獻三川守劉公 并序

余奉陪三川守劉公讌言嘗蒙詢訪行止因話

一麾之任冀成三逕之謀特蒙俯鑒丹誠尋許
慰薦屬移居履道卧疾彌旬輒杼二章寄獻

三川歌頌徹咸秦十二樓前侍從臣休閉玉籠
留鸞鷲早開金埒縱騏驎花深穉榻迎何客月
在膺舟醉幾人自笑一作東風過寒食茂陵寥
落未知春

半年三度轉蓬居錦帳心闌羨準旰老去自驚
秦塞鴈病來先憶楚江魚長聞季氏千金諾更
望劉公一紙書春雪未晴春酒貴莫教愁殺馬
相如

送段覺之西蜀結婚

詞賦名高身不閑綵衣如錦度函關鏡中鸞影
羅威去劍外花歸衛玠還秋浪遠侵黃鶴嶺暮
雲遙斷碧雞山此時人問西遊客心在重霄鬢
欲斑

長慶寺遇常州阮秀才

高閣晴軒對一峯毗陵書客此相逢晚收紅葉
題詩遍秋待黃華釀酒濃山館日斜喧鳥雀石
潭波動戲魚龍上方有路應知處踈磬寒蟬樹
幾重

贈閑師

近日高僧更有誰宛陵山下遇閑師東林共許
三乘學南國爭傳五字詩初到庾樓紅葉墜夜
投蕭寺碧雲隨秋江莫惜題佳句正好磷磷目
底時

東遊留別李叢秀才

煩君沽酒強登樓罷唱離歌說遠遊文字豈勞
諸子重風塵多幸故人憂數程山路長侵驛千
里家書動隔秋起凭欄干各垂淚又驅羸馬向
東州

竹林寺別友人

騷人吟罷起鄉愁暗覺年光似水流花滿謝城
傷折 蟬鳴蕭寺喜同遊前山月落杉松曉深
夜風清枕簟秋明日分襟又何處江南江北路
悠悠

送武處士歸章洪山居

形影無羣消息沈登門三繫血沾襟皇綱一日
開冤氣青史千年重壯心却望烏臺春樹老獨
歸蝸舍暮雲深何時縱有徵書去雪滿重山不
可尋

題義女亭

身沒蘭閨道日明
郭南尋得舊池亭
詩人愁立暮山碧
賈客怨離秋草青
四望月沈疑掩鏡
兩簷花動認收屏
至今鄉里風猶在
借問誰傳義女銘

吳門送振武李從事

晚促離筵醉玉缸
伊州一曲淚雙雙
欲攜刀筆從新幕
更宿煙霞別舊窻
胡馬近秋侵紫塞
吳帆乘月下清江
嫖姚若許傳書檄
坐築三城看受降

郊居春日有懷府中諸公并柬王兵曹
欲學漁翁釣艇新
濯纓猶惜九衢塵
花前更謝依劉客
雪後空懷訪戴人
僧舍覆碁消白日
市樓賒酒過青春
一山桃杏同時發
誰似東風不厭貧

同韋少尹傷故衛尉李少卿

客醉更長樂未窮
似知身世一宵空
香街寶馬嘶殘月
暖閣佳人哭曉風
未卷繡筵朱閣上
已開塵席畫堂中
何須更賦山陽笛
寒月沉西水向東

舟行早發廬陵郡郭寄滕郎中

楚客停橈太守知，露凝丹葉自秋悲。
蟹螯只恐相如渴，鱸膾應防曼倩飢。
風卷曙雲飄角遠，雨昏寒浪掛帆遲。
離心更羨高齋夕，巫峽花深醉玉卮。

聞邊將劉臯無辜受戮

外監多假帝王尊，威脅偏裨勢不存。
纔許誓心安玉壘，已傷傳首動金門。
三千客裏寧無義，五百人中必有恩。
却賴漢庭多烈士，至今猶自伏蒲論。

送薛秀才南遊

姑蘇城外柳初凋，同上江樓更寂寥。
遠壁舊塵風漠漠，對窓寒竹雨蕭蕭。
憐君別路隨秋鴈，盡我離觴任晚潮。
從此草玄應有處，白雲青草一相招。

夜歸孤山寺寄盧郎中

青山有志路猶賒，心在琴書自憶家。
醉別庾樓山色滿，夜歸蕭寺月光斜。
落帆露濕回塘柳，開院風驚滿地花。
他日此恩須報得，莫言空愛舊煙霞。

贈桐廬房明府先輩

帝城春榜謫靈仙四海聲華二十年闕下書功
無後輩卷中文字掩前賢閑每喜江山靜道
在寧憂雨露偏自笑小儒非一鷄亦趨門屏冀
相憐

甘露寺感事貽同志

雲蔽長安路更賒獨隨漁艇老天涯青山盡日
尋黃絹滄海經年夢絳紗雪憤有期心自壯報
恩無處髮先華東堂舊侶勤書劔同出膺門是
一家

游溪夜回寄道玄上人

南郭煙光異世間碧桃紅杏水潺潺猿來近嶺
獼猴散魚下深潭翡翠閑猶阻晚風停桂檝欲
乘春月訪松關幾回策杖終難去洞口雲歸作
深不見山

鷺鷥

西風淡淡水悠悠雪照絲飄帶雨愁何事歸心
倚前閣綠蒲紅蓼練塘秋

夏日寄江上親友

雨過山前日未斜清蟬嘒嘒落槐花車輪南北

已無限江上故人纔到家

漢水傷稼 并序

此郡雖自夏無雨江邊多穡油然可觀秋八月
天清日朗漢水泛溢人實為灾軫念疲羸因賦
四韻

西北樓開四望通殘霞成綺月懸弓江村夜漲
浮天水澤國秋生動地風高下綠苗千頃盡新
陳紅粟萬箱一作空才微分薄憂何益却欲回
心學釣翁

酬江西盧端公藍口阻風見寄之什

又攜刀筆從膺舟藍口風高桂檝留還似郢中
歌一曲夜來春雪照西樓

客至 或作趙嘏詩

得路逢津更俊才可憐鞍馬照春來殘花幾一作

落日小齋閉大笑一聲幽抱開袖拂碧溪寒繚
繞冠欹紅樹晚徘徊相逢少一作別更堪恨何
必秋風江上臺

經李給事舊居

歸作儒翁出致君故山誰復有遺文漢庭使氣
摧張禹

送范雲楓葉暗時迷舊宅芳

花落處認荒墳朱弦一奏沈湘怨風起寒波日
欲曛

維皇宋熙寧元年集

丁卯集目錄

郢州刺史許渾

卷下

五言雜詩

王居士

早秋三首

登延祚閣

題峽山寺四首

寄崔韓二先輩

贈盈上人

廣陵道中

宿開元寺樓

送陽處士

發靈虛館

題杜居士

神女祠

送李定言南游

別契真上人

潼關題驛軒

晨至南亭呈裴明府

題張司馬郊園

宿石屏村謝叟家

塞下

送從兄歸隱藍溪

二首

思歸

晚泊七里灘

蒜山津觀發軍

寄題商洛王隱居

晨裝

聞歌

題韋隱居西齋

李冥秀才西行

馬鎮西故第

重遊鬱林寺

泛溪

和李相國

洛東蘭若夜歸

送段覺歸杜曲閑居

寄仲儀上人

雨後憶湖山居

宴狄僕射池亭

寄契盈上人

晨起二首

洞靈觀冬青

送友人歸江東

贈元孚上人

送同年崔先輩

山雞

孤鴈

寓懷

洛中遊眺貽同志

戲題郭別駕東堂

長安旅夜

鷓鴣

懿安皇太后挽詞

示弟

送樓煩李別駕

聞兩河用兵貽友人

獻白尹

茅山贈梁尊師

寄薛先輩

送韋明府南游

看雪

江上燕別

贈僧

思天台

趨慈和寺移宴

送林處

宣城贈蕭兵曹

留贈偃師主人

送李陵李少府

別韋處士

九日登樟亭驛樓

傷朱餘慶先輩

送張崔二侍御

江樓夜別

送惟素上人

雪上宴別

下第別楊至之

尋戴處士

放猿

將離郊園留示弟

夜歸丁卯樓村舍

題青山館

秋日白沙館對行

春日題韋曲村舍

泛五雲溪

崇聖寺別楊至之

途經李翰林墓

嚴陵釣臺貽行宮

南樓春望

送無夢道人

閑居孟夏書事

題灞西駱隱士

溪亭二首

題潼關驛樓

吳門送客早發

送太昱禪師

旅懷

南亭與首公讌集

早發壽安

泊松江渡

送魚思

處士歸

維舟過李給事宅

丁卯集目錄終

丁卯集卷下



郢州刺史許



渾



五言雜詩

王居士

筇杖倚柴關。都城賣卜還。雨中耕白水。雲外斲青山。有藥身長健。無機性自閑。即應生羽翼。華表在人間。

早秋三首

遙夜泛清瑟。西風生翠蘿。殘螢委玉露。早鴈拂

金銀一作河。高樹曉還密。遠山晴更多。淮南一葉

下自覺老煙波。

一葉下前墀。淮南人已悲。蹉跎青漢望。迢遞白雲期。老信相如渴。貧憂曼倩飢。生公與園吏。何處是吾師。

薊北鴈猶遠。淮南人已悲。殘桃間墮井。新菊亦侵籬。書劔豈相誤。琴樽聊自持。西齋風雨夜。更有詠貧詩。

金陵阻風登延祚閣

極目皆陳迹。披圖問遠公。戈鋌三國後。冠蓋六朝中。葛蔓交殘壘。芒花沒後宮。水流簫鼓絕。山

在綺羅空。極浦千艘聚。高臺一逕通。雲移吳岫雨。潮轉楚江風。登閣慙漂梗。停舟憶斷蓬。歸期與歸路。杉桂海門東。

歲暮自廣江至新興往復中題峽山寺

四首

夜醉晨方醒。孤吟恐失羣。海鮓潮上見。江鵠霧中聞。未臘梅先實。經冬一作終冬草自薰。樹隨山崦合。泉到石稜分。虎跡空林雨。猿聲絕嶺雲。蕭蕭異鄉鬢。明日共絲棼。

薄暮緣西峽。停橈一訪僧。鷺巢橫卧柳。猿飲倒

垂藤水曲巖千疊雲重樹百層山風寒殿磬溪
雨夜船燈灘漲危槎沒泉衝怪石崩中臺一襟
淚歲杪別良朋

密樹分蒼壁長溪抱碧岑海風聞鶴遠潭日見

魚深松蓋環清韻榕根架綠陰南方大葉榕樹
枝危者輒生根

垂入地如柱大洞丁多斲石蠻女半淘金端州斲石塗
涯縣淘金為

業南浦驚春至西樓送月沉江流不過嶺何處

寄歸心

月在行人起千峯復萬峯海虛爭翡翠溪邏鬪

芙蓉南方呼市為虛呼戎為邏
新州有翡翠虛芙蓉邏也古木高生斛陰

池滿種松木斛花生於他樹槎枿
池沼多松謂之水松也火探深洞燕

香送遠潭龍南方悅城縣有溫溫龍即蛇也隨水
州悅城縣有溫溫龍即蛇也隨水

往舟船至人家或千里藍塢寒先燒禾堂晚併

春種藍多有塢中先燒其地人
以木槽為春禾謂之春堂更投何處宿西

峽隔雲鐘

曉發鄞江北渡寄崔韓二先輩

南北信多歧生涯半別離地窮山盡處江泛水

寒時露曉蒹葭重霜晴橘柚垂無勞促回檝千

里有心期

盈上人

月沉霜已凝。無夢竟一作對寒燈。寄世何殊客。脩身未到僧。二毛梳上雪。雙淚枕前冰。借問曹溪路。山多樹幾層。

廣陵道中

城勢已坡陀。城邊東逝波。綠桑非苑樹。青草是宮莎。山暝牛羊少。水寒鳧鴈多。因高一回首。還詠黍離歌。

宿開元寺樓

誰家歌裏裏。孤枕在西樓。竹色寒清簟。松香染翠幃。月移珠殿曉。風遞玉箏秋。日出應移棹。三

湘萬里愁。

送湯處士反初卜居曲江

鴈門歸去遠。垂老脫袈裟。蕭寺休爲客。曹溪便寄家。綠琪千歲樹。黃槿四時花。別怨應無限。門前桂水斜。

發靈溪館

山多水不窮。一葉似漁翁。鳥浴寒潭雨。猿吟暮嶺風。雜英垂錦繡。衆籟合絲桐。應有曹溪路。一作桃溪千巖萬壑中。

題杜居士

松偃石牀平。何人識姓名。溪冰寒棹響。巖雪夜
窻明。機盡心猿伏。神閑意馬行。應知此來客。身
世兩無情。

神女祠

停車祠聖女。涼葉下陰風。龍氣石牀濕。鳥聲作
鳴山廟空。長眉留桂綠。丹臉寄蓮蘭。一作紅莫學
陽臺畔。朝雲暮雨中。

送李定言南游

酒酣輕別恨。酒醒復離憂。遠水應移棹。高峯更
上樓。簟涼清露夜。琴響碧天秋。重惜芳樽宴。滿

城無舊游

早發中巖寺別契直上人

蒼蒼松桂陰。殘月半西岑。素壁寒燈暗。紅爐夜
火深。厨開山鼠散。鍾盡嶺猿吟。行役方如此。逢
師懶話心。

行次潼關題驛後軒

飛閣極層臺。終此路回山。形朝闕。一作岳去河
勢抱。一作入關來。鴈過秋風急。蟬一作雞鳴宿霧開。
平生無限意。驅馬任塵埃。

晨至南亭呈裴明府

南齋夢釣竿，晨起月猶殘。露重螢依草，風高蝶
委蘭。池光秋鏡澈，山色曙屏寒。更戀陶彭澤，無
心議去官。

灞東題司馬郊園

楚翁秦塞住，昔事李輕車。白社貧思橘，青門老
仰瓜。讀書三逕草，沽酒一籬花。更欲尋芝朮，商
山便寄家。

游維山新興寺宿石屏村謝叟家

晚過石屏村，村長日漸易。一作曛僧歸下嶺，見人
語隔溪。一作江聞谷響寒，耕雪山明夜。燒雲家家

扣銅鼓，欲賽魯將軍。

村有魯肅廟

塞下

夜戰桑乾北，一作秦兵半不歸。朝來有鄉信，猶
自寄征衣。

送從兄歸隱藍溪三首

名高猶一作尚

素衣

一作氣高身不達

窮巷掩荆扉，漸老

故人少。久貧豪客稀，塞雲橫劍望。山月抱琴歸。

幾日藍溪醉，藤花拂釣磯。

一作莫遣藍溪路青苔滿釣磯

京洛多高蓋，憐兄劇斷蓬。身隨一劍老，家入萬
山空。夜憶蕭關月，行悲易水風。無人知此意，甘

卧白雲中

燕鴈下秋塘。田家自此忙。移蔬通遠水。收果待
繁霜。野碓春杭滑。山厨焙茗香。客來還有酒。
事宿茅堂。

思歸

疊嶂平蕪外。依依識舊邦。氣高詩易怨。愁極酒
難降。樹暗支公院。山寒謝守窓。殷勤樓下水。幾
日到荆江。

晚泊七里灘

天晚日沉沉。歸舟繫柳陰。江村平見寺。山郭遠

聞砧。樹密猿聲響。波澄鴈影深。榮華暫時事。誰
識子陵心。

蒜山津觀發軍

羽檄徵兵急。轅門選將雄。犬羊憂破竹。貔武極
飛蓬。定繫一作擊猖狂虜。何煩矍鑠翁。更探黃谷
略。重振黑山功。別馬嘶營柳。驚鳥散井桐。低星
連寶劍。殘月讓雕弓。浪曉戈鋌裏。山晴鼓角中。
甲開魚照水。旗颺虎擎風。去想金河遠。行聞一作
知玉塞空。漢庭應有問。師律在元戎。

寄題商洛王隱居

近逢商洛客，知爾住南塘。草閣平春水，柴門掩夕陽。隨蜂收野蜜，尋麝采生香。更憶前年醉，松花滿石牀。

晨裝

一本作洛中

帶月飯行侶，西游關塞長。晨雞鳴遠戍，宿鴈起寒塘。雲卷四山雪，風凝千樹霜。誰家游俠子，一作

誰家歌

舞散 沉醉卧蘭堂。

聞歌

新秋弦管清，時轉遏雲聲。曲盡不知處，月高風滿城。

題韋隱居西齋

斲藥還歸家，人半掩扉山。風藤子落溪，水豆花肥寺。遠僧來少，橋危客過稀。不聞砧杵動，一作響應解製荷衣。

李暝秀才西行

萬里不辭勞，寒裝疊緼一作雪袍。停車山店雨，挂席海門濤。鷹勢暮偏急，鶴聲秋更高。知君北邙路，留劍泣黃蒿。

馬鎮西故第

將軍久已没，行客自興哀。功業山長在，繁華水

不迴亂藤一作侵廢井荒菊上叢臺借問此中
事幾家歌舞來

重遊鬱林寺道玄上人院

藤杖叩松關春溪斲藥還雨晴巢燕急波暖浴
鷗閑倚檻花臨水回舟月照山憶歸師莫笑書
劍在人間

泛谿

疑與武陵通青谿碧嶂中水寒深見石松晚靜
聞風遯跡驅雜吏冥心失馬翁纔應畢婚嫁還
此息微躬

和李相國并序

蒙賓客李相國見示和宣武盧僕射以吏部高
尚書自江南赴闕貺大梨白鷗因贈五言六韻
攀和

巨實珍吳果馴雛重越禽摘來漁浦上攜在兔
園陰霜合凝丹頰風披斂素襟刀分瓊液散籠
蔽雪華深虎帳齋中設龍樓洛下吟含消兼受
彩應貴冢卿心

洛東蘭若夜歸

一衲老禪床吾生半異鄉管絃愁裏老書劍夢

中忙鳥急山初暝，蟬稀樹正涼。又歸何處去，塵路月蒼蒼。

送段覺歸杜曲閑居

書劔南歸去，山扉別幾年。苔侵巖下路，果落洞中泉。紅葉高齋雨，青蘿曲檻煙。寧知遠游客，羸馬太行前。

寄天鄉寺仲儀上人富春孫處士

詩僧與釣翁，千里兩情通。雲帶鴈門雪，水連漁浦風。心期榮辱外，名挂是非中。歲晚亦歸去，田園清洛東。

雨後憶湖山居

前山風雨涼，歇馬坐垂楊。何處芙蓉落，南渠秋水香。

陪少師李相國崔賓客宴居守狄僕射池亭

池色似瀟湘

一作擬三湘

仙舟日正長。燕飛驚蛺蝶

魚戲

一作躍

動鴛鴦。雲聚

一作定

歌初轉。風回舞欲

翔。暖醅松葉嫩，寒粥杏花香。羅綺留春色，笙竽送晚光。何須明月夜，

一作下

紅燭在華堂。

寄契盈上人

何處是西林。踈鐘復遠砧。鴈來秋水闊。鴉盡夕陽沉。婚嫁乖前志。功名異夙心。湯師不可問。江上碧雲深。

晨起二首

桂樹綠層層。風微煙露凝。簷楹銜落月。幃幌耿殘燈。蘄簟曙香冷。越瓶秋水澄。心閒即無事。何異住山僧。

殘月皓煙露。掩門深竹齋。水蟲鳴曲檻。山鳥下空階。清鏡曉看髮。素琴秋寄懷。因知北窻客。一作卧日與世情乖。

洞靈觀冬青

霜霰不凋色。兩株交石壇。未秋紅實淺。一作終夏綠陰寒。露重蟬鳴急。風多鳥宿難。何如西禁柳。晴舞玉闌干。

友人自荆襄歸江東

新喪其偶

商洛轉江濱。一杯聊送君。劔愁龍失伴。琴怨鶴離羣。楚驛枕秋水。湘帆凌暮雲。猿聲斷腸處。應向雨中聞。

冬日開元寺贈元孚上人二十韻

一鉢事南宗。僧儀稱病容。曹溪花裏別。蕭寺竹

前逢燭影深寒殿。經聲徹曙鐘。欲齋簷下一作睡
鴿初定。壁吟蛩。詩繼休遺韻。書傳永逸縱。藝多
人譽洽。緣絕道情濃。汲澗瓶沉藻。眠堦錫挂松。
雲鳴新放鶴。池卧舊降龍。露茗山厨焙。霜杭野
碓舂。梵文明處譯。禪衲暖時縫。層塔題應遍。飛
軒步不慵。繡梁交薜荔。畫井倒芙蓉。翠戶垂旗
網。朱窓列劔鋒。寒風金磬遠。晴雪玉樓重。妙理
三乘達。清才萬象供。山高橫睥睨。灘淺聚艨艟。
微靄蒼平楚。殘暉淡遠峯。林踈霜撼撼。波靜月
溶溶。劔出因雷煥。琴焦遇蔡邕。西方如有社。支

許合相從

送同年崔先輩

西風帆勢輕。南浦遍離情。菊艷含秋水。荷花遞
兩聲。扣舷灘鳥沒。移棹草蟲鳴。更憶前年別。槐
花滿鳳城。

山雞

珍禽暫不扃。飛舞躍前庭。翠網摧金距。雕籠減
繡翎。月圓疑望鏡。花暖似依屏。何必舊巢去。山
山芳草青。

孤鴈

昔年雙頰頰池上靄春暉霄漢力猶怯稻梁心
已違蘆洲寒獨宿一作榆塞夜孤飛不及營巢
燕西風相逐一作歸

寓懷

南國浣紗伴盈盈天下姝盤金明繡帶動珮響
一作鳳珮響羅襦素手怨瑤瑟清心悲玉壺春華坐
銷落未忍泣蘼蕪一作未忍嫁狂夫

洛中游眺貽同志

康衢一望通河洛正天中樓勢排高鳳橋形架
一作斷虹遠山晴帶雪寒水晚多風幾日還攜

手鳥鳴花滿宮

夏日戲題郭別駕東堂

微風起畫鸞金翠暗珊珊晚樹垂朱實春篁露
粉竿散香蘄簟滑沉水越瓶寒猶恐何郎熱冰
生白玉盤

長安旅夜

久客怨長一作良夜西風吹鴈聲雲移河漢一作色
淺月泛露華清掩瑟獨一作必凝思緩歌空寄情
門前有歸路迢遞洛陽城

鷓鴣

池寒柳復凋，獨宿夜迢迢。雨頂冠應冷，風毛劍
欲飄。故巢迷碧水，舊侶越丹霄。不是無歸一作
處，心高多寂寥。

懿安皇太后挽歌詞

陵前春不盡，陵下夜何窮。未信金蠶老，先驚玉
燕空。挽移蘭殿月，笳引栢城風。自此隨龍馭，喬
山翠靄中。

示弟

自爾出門去，淚痕長滿衣。家貧爲客早，路遠得
書稀。文字何人賞，一作誰煙波幾日歸。秋風正

搖落，孤鴈又南飛。

送樓煩李別駕

琴清詩思勞，更欲學龍韜。王粲暫停筆，呂虔初
佩刀。夜吟關月靜，秋望塞雲高。去去從軍樂，鷓
飛代馬豪。

聞兩河用兵因貽友人

故人日已遠，身事與誰論。性拙難趨世，心孤易
感恩。秋悲憐宋玉，夜舞笑劉琨。徒有干時策，青
山尚掩門。

獻白尹

即樂天也

醉舞任生涯。褐寬烏帽斜。庾公先在郡。踈傳早
還家。林晚鳥爭樹。園春蜂護花。高吟應更逸。嵩
洛舊煙霞。

茅山贈梁尊師

雲屋何年客。青山白日長。種花春掃雪。看錄夜
焚香。上象壺中閣。平生夢裏忙。幸承仙籍後。乞
取一作與大還方。

聞薛先輩陪大夫看早梅因寄

澗梅寒正發。莫信笛中吹。素艷雪凝樹。清香風
滿枝。折驚山鳥散。攜任野蜂隨。今日從公醉。何

人倒接羅

送前緱氏韋明府南游

酒闌橫劔歌。日暮望關河。道直去官早。家貧爲
客多。山昏函谷雨。木落洞庭波。莫盡遠游興。故
園荒薜蘿。

看雪

松亞竹珊珊。心知萬井歡。山明迷舊徑。溪滿漲
新瀾。客醉瑤臺曙。兵防玉塞寒。紅樓知有酒。誰
肯學袁安。

江上燕別

雲物如故鄉。山川異歧路。年來未歸客。馬上春
欲暮。一樽花下酒。殘日水西樹。不待管絃終。搖
鞭背花去。

贈僧

心法本無住。流沙歸復來。錫隨山鳥動。經附海
船回。洗足柳遮寺。坐禪花委苔。唯將一童子。又
欲上天台。

右二詩一本
云趙嘏作

思天台

赤城雲雪深。山客負歸心。昨夜西齋宿。月明琪
樹陰。

趨慈和寺移宴

高寺移清宴。漁舟繫綠蘿。潮平秋水闊。雲歛暮
山多。廣檻停簫鼓。繁絃散綺羅。西樓半牀月。莫
問夜如何。

送林處士自閩中道越由霅抵兩川

書劍少青眼。風波初白頭。鄉關背黎嶺。客路轉
蘋州。處困道難固。乘時恩易疇。鏡中非訪戴。劍
外欲依劉。高枕海天暝。落帆江雨秋。鼙聲應遠
鼓。蜃氣學危樓。智者役千慮。達人輕百憂。唯聞
陶靖節。多在醉鄉游。

宣城贈蕭兵曹

桂檝謫湘渚，三年波上春。舟寒剡溪雪，衣破洛城塵。客道恥搖尾，皇恩寬犯鱗。花時去國遠，月夕上樓頻。貧酒不辭病，傭書非爲貧。行吟值漁父，坐隱對樵人。紫陌罷雙轍，碧潭窮一綸。高歌更南去，煙水是通津。

留贈偃師主人

孤城漏未殘，徒侶拂征鞍。洛北去游一作愁遠，淮南歸夢闌。曉燈回壁暗，晴雪卷簾寒。更盡主人酒，出門行路難。

送南陵李少府

高人亦未閑，來往楚雲間。劍在心應壯，書窮鬢已斑。落帆秋水寺，驅馬夕陽山。明日南昌尉，空齋又掩關。

別韋處士

南北斷蓬飛，別多相見稀。更傷今日酒，未換昔年衣。舊友幾人一作多在，故鄉何處歸。秦原向西路，雲晚雪霏霏。

九日登樟亭驛樓

鱸膾與蓴羹，西風片席輕。潮回孤島晚，一作遠雲

歛衆山晴丹羽下高閣黃花垂古城因秋倍多
感鄉樹接咸京

再游越中傷朱餘慶先輩直上人

昔年湖上客留訪雪山翁王氏船猶在蕭家寺
已空月高花有露煙合水無風處處多遺韻何
曾入剡中

京口津亭送張崔二侍御

愛樹滿西津津亭墮淚頻素車應度洛珠履更
歸秦水接三湘暮山通五嶺春傷離與懷舊明
日白頭人

江樓夜別

離別柰情何江樓凝艷歌蕙蘭秋露重蘆葦夜
風多深怨寄清瑟遠愁生翠蛾酒酣相顧起明
月棹寒波

送惟素上人歸新安

山空葉復落一逕下新安風急渡谿晚雲晴歸
寺寒尋雲策藤杖向日倚蒲團寧憶西游客勞
勞歌路難

雪上宴別

山斷水茫茫洛人一作濱西路長笙歌留遠棹風

雨寄華堂紅壁耿秋燭翠簾一作凝曉香誰堪
從此去雲樹滿陵陽

下第別楊至之

花落水潺潺十年離舊山夜愁添白髮春淚減
朱顏孤劍北游塞遠書東出關逢君話心曲一
醉灞陵間

尋戴處士

車馬長安道誰知大隱心蠻僧留古鏡蜀客寄
新琴曬藥竹齋暖擣茶松院一作深思君一相
訪殘雪似山陰

放猿

殷勤解金鎖一作別昨夜雨淒淒山淺憶巫峽水
寒思建溪遠尋一作好依紅樹宿深向一作入白雲啼
好覓來時路一作南歸路煙蘿莫共迷一作自迷

將離郊園留示弟姪

身賤與心違秋風生旅衣父貧辭國遠多病在
家稀山暝客初散樹涼人未歸西都萬餘里明
旦別柴扉一作荆扉

夜歸丁卯橋村舍

月涼風靜夜歸客泊巖前橋響犬遙吠庭空人

散眠紫蒲低水檻，紅葉半江船。自有還家計，南湖二頃田。

題青山館

即謝公館

昔人詩酒地，芳草思王孫。白水半塘岸，青山橫郭門。懸巖碑已折，盤石井猶存。無處繼行樂，野花空一樽。

秋日白沙館對行

蕭蕭凌雪霜，濃翠異三湘。踈影月移壁，寒聲風滿堂。捲簾秋更早，高枕夜偏長。忽憶秦溪路，萬竿正涼。

春日題韋曲野老村舍二首

遶屋遍桑麻，村南第一家。林繁樹勢直，溪轉水紋斜。竹晝看筍藥，欄春賣花。故園歸未得，到此是天涯。

背嶺枕南塘，數家村落長。鶯啼幼婦懶，蠶出小姑忙。煙草近溝濕，風花臨路香。自憐非楚客，春望亦心傷。

泛五雲溪

此溪何處路，遙問白髯翁。佛廟千巖裏，人家一島中。魚傾荷葉露，蟬噪柳林風。急瀨鳴車軸，微

波漾釣筒石苔縈棹綠山果拂舟紅更就前溪
宿村橋與剡通

崇聖寺別楊至之

蕭寺暫時一作相逢離憂滿病容寒齋秋少燕陰
壁夜多蛩樹暗水千里山深雲萬重懷君在書
信莫過鴈回峯

途經李翰林墓

氣逸何人識才高舉世疑彌生狂善一作賦陶
令醉能一作吟詩碧水鱸魚怨青山鵬鳥悲至今
孤塚在荆棘楚江湄

嚴陵釣臺貽行宮

故人天下定歸釣碧巖幽舊跡隨苔古高名寄
水流鳥喧羣木晚蟬急衆山秋更待新安月憑
君暫駐舟

南樓春望

南樓春一望雲水共昏昏野店歸山路危橋帶
郭村晴煙和草色夜雨長溪痕下岸誰家住殘
陽半掩門

送無夢道人先歸甘露寺

飄飄一作飄飄隨晚浪杯影入鷗羣岸凍千船雪巖

陰一寺雲夜燈江北見寒磬浦西聞鶴嶺煙霞
在歸期不羨君

閑居孟夏即事

綠樹蔭青苔柴門臨一作向水開簟涼初熟麥

枕膩一作潤乍經梅魚躍海風一作雲起鼉鳴江雨

來佳人竟何處一作佳期今已晚日夕上樓臺

題灞西駱隱士

磻溪連灞水商嶺接秦山青漢不回駕白雲長

一作空掩關雀喧知鶴靜鳧戲識一作鷗閑却笑

南昌慰悠悠城市間

溪亭二首

溪亭四面山橫柳半溪鸞蟬響塘螂急魚深翡翠
閑水寒留客醉月上與僧還猶戀蕭蕭竹西
齋未掩關

暖枕眠溪柳僧齋昨夜期茶香秋夢後松韻晚
吟時共戲魚翻藻爭棲鳥墜枝重陽應一醉栽
菊助東籬

秋日赴闕題潼關驛樓

紅葉晚蕭蕭長亭酒一瓢殘雲歸太華踈雨過

一作落中條樹色隨迥河聲入海遙帝鄉明日

到猶自夢漁樵

別本作行次潼關逢魏扶東歸首句云南北斷蓬飄下五句並

同卒章云勞歌此分首風急馬蕭蕭

吳門送客早發

吳歌咽深思楚客怨歸程寺曉樓臺迥

一作鐘聲速

江秋管吹清早潮低水檻殘月下山城惆悵回

舟日湘南春草生

送太昱禪師

禪牀深竹裏心與徑山期結社多高客登壇盡

小師早秋歸寺遠新雨上灘遲別後江雲碧南

齋一首詩

旅懷

征車一作輪何軋軋南北極天涯孤枕易為客遠

書難到家鄉連雲外樹城閉月中花猶有扁舟

思一作興前年別若耶

南亭與首公讌集

秋來水上亭幾處似巖扃戲鳥翻紅葉游龜帶

綠萍管絃心戚戚羅綺鬢星星行樂非吾事西

齋尚有螢

早發壽安次永壽渡

車馬塵鞞洛與咸秦山月夜行客水煙朝

渡人樹涼風浩浩灘淺石磷磷會待功名就扁舟寄此身

泊松江渡

漠漠故宮地月涼風露幽一作雲雞鳴荒戍曉

一作明鴈過古城秋楊柳北歸路蒹葭南渡舟去

鄉今已遠更上望京樓

送魚思別處士歸有懷

讌罷衆賓散長歌攜一枝溪亭相送遠山郭獨歸遲風檻夕雲散月軒寒露滋病來雙鬢白不是舊離時

維舟秦淮過溫州李給事宅

給事爲郎日青溪醉隱冰池通極浦雪逕遶

高巖珠玉同見松梅墜共芟帝圖憂一失臣

節恥三緘代有王陵戇時無靳尚讒定操直

筆寧爲發空函霧黑連雲棧風狂截海帆石梯

迎雨潤沙井帶潮鹹蠟屐青筇杖藍輦

應勞此歸夢山路正巉巖

丁卯集余舊藏宋刻有義門何先生跋者已登
諸百宗一屢賦中矣茲本板刻正同而印較前
故楮墨更精且歷為諸名家藏弄真奇物
也余用白鏤以金得之嘉禾人家郡城書坊
為合焉先是坊友稱是書於余因物主欲
求售於貴人未之許今隔年餘而仍歸余
欣幸之至卷尾有朱公松識語二行與舊藏宋
刻魚尾機集正同古書之合而分之而合若有神
物護持者安得不視為珍寶耶

嘉慶庚午八月朔日復翁黃丕烈識



第 35118 号

平成 3.11.22

聖和学

928

園短大

7

図書館

5853

丁卯集
八十月

子	丑	寅
卯	辰	巳
午	未	申
酉	戌	亥

